

Na osnovu člana 21. stav (1) i (2) Zakona o pozorišnoj djelatnosti („Službene novine ZDK“, broj: 04/16), odredbi Pravilnika Festivala bosanskohercegovačke drame (broj: 671/21 i 199/24) i Odluke direktora JU Bosansko narodno pozorište Zenica (broj: 1327/24), a u skladu sa članovima 38., 39. i 77. Pravila JU Bosansko narodno pozorište Zenica (broj: 266/23 i 850/23), pritom vodeći se načelima svoje programske politike i društvene zadaće da stalno unapređuje, razvija i afirmira domaće dramsko stvaralaštvo

Javna ustanova

BOSANSKO NARODNO POZORIŠTE ZENICA (BNP Zenica) i
FESTIVAL BOSANSKOHERCEGOVAČKE DRAME (Festival bh. drame)
raspisuju treći po redu

KONKURS/NATJEČAJ

za najbolji neinscenirani bosanskohercegovački dramski tekst

Osnovni uslovi/uvjeti Konkursa/Natječaja su:

1. Dramski tekst može pripadati bilo kojoj dramskoj vrsti i/ili žanru;
2. Dramski tekst ne može biti iz oblasti lutkarstva ili književnosti za djecu;
3. Dramski tekst može biti napisan latinicom ili ćirilicom na bosanskom, hrvatskom ili srpskom jeziku;
4. Dramski tekst ne može prethodno biti objavljen ili scenski postavljen – insceniran;
5. Dramski tekst je potrebno dostaviti u štampanoj i elektronskoj formi (doc ili pdf format);
6. Dramski tekst mora biti potpisan šifrom, a njeno razrješenje dostavljeno u zatvorenoj koverti.

Pravo učešća na Konkursu/Natječaju imaju:

- a) građani i građanke Bosne i Hercegovine, odnosno stvaraoci koji su državljanici i imaju prebivalište na teritoriji Bosne i Hercegovine i
- b) stvaraoci koji su rođeni odnosno porijeklom iz Bosne i Hercegovine, a koji su stvarali ili stvaraju u inostranstvu, ali su Bosnu i Hercegovinu smatrali ili je smatraju svojom domovinom.

Izbor najboljeg dramskog teksta izvršit će međunarodni stručni žiri/ocjenjivački sud kojeg imenuju BNP Zenica i Direkcija Festivala bh. drame.

Autor najboljeg dramskog teksta bit će proglašen laureatom „Nagrade za najbolji neinscenirani dramski tekst bosanskohercegovačkog autora/autorice“ koja se sastoji od plakete i novčanog dijela nagrade u ukupnom neto iznosu od =5.000,00 KM (slovima: pet hiljada/tisuća konvertibilnih maraka) sa plaćenim porezom i doprinosima, što će biti regulisano zasebnom odlukom i ugovorom sa autoricom/autorom.

Direkcije BNP-a Zenica i Festivala bh. drame zadržavaju mogućnost štampanja i izdavanja nagrađenog dramskog teksta i dva teksta po preporuci stručnog žirija u knjizi ili drugoj vrsti štampane ili elektronske publikacije, u izdanju Bosanskog narodnog pozorišta Zenica ili drugog izdavača, uz mogućnost organizovanja javnog čitanja ili bilo kojeg drugog oblika promocije i prezentacije dramskih tekstova. Autor/autorica nagrađenog dramskog teksta i autori/autorice dva teksta koji mogu biti izabrani prema preporuci stručnog žirija, prijavom na ovaj Konkurs/Natječaj ustupaju prethodna prava koja se odnose na štampanje i izdavanje.

Prijavom na ovaj Konkurs/Natječaj nagrađeni autor/autorica ustupa puna autorska prava BNP-u Zenica i Festivalu bh. drame za pozorišnu inscenaciju nagrađenog djela u okviru repertoara i produkcijske djelatnosti BNP Zenica, što će ovisiti o programsko-repertoarskim potrebama, te materijalnim i produkcijskim mogućnostima BNP Zenica i bit će regulisano navedenim ugovorom sa nagrađenim autorom/autoricom.

JU Bosansko narodno pozorište nije obavezno inscenirati nagrađeni dramski tekst.

Ukoliko nagrađeni autor/autorica odluči ustupiti autorska prava na praizvedbu teksta nekom drugom pozorištu ili organizaciji tokom naredne tri godine od dana donošenja odluke o izboru, dužan je tražiti saglasnost od BNP Zenica u skladu sa ovim Konkursom i potpisanim ugovorom.

Rok za slanje tekstova je 25. februar/veljača 2025. godine.

Rezultati Konkursa/Natječaja javno će biti objavljeni tokom trajanja XXIV festivala bosanskohercegovačke drame 2025.

Dramski tekst u tri štampana primjerka (hard copy) i na nosaču elektronske forme (disk, USB memory stick ili sl.), uz razrješenje šifre u zasebnoj koverti, potrebno je putem pošte dostaviti na adresu:

Bosansko narodno pozorište Zenica / Festival bh. drame

Trg Bosne i Hercegovine br. 3, 72000 Zenica, Bosna i Hercegovina

uz obaveznu naznaku: „**Konkurs/Natječaj za najbolji bh. dramski tekst**“

Dramski tekstovi neće biti vraćeni autoricama i autorima, a adekvatno će biti evidentirani i arhivirani u biblioteci Bosanskog narodnog pozorišta Zenica.

Ovaj Konkurs/Natječaj se objavljuje na zvaničnoj internetskoj stranici Bosanskog narodnog pozorišta Zenica (www.bnp.ba) i Festivala bh. drame (www.bnp.ba/festival) u subotu, 16. novembra 2024. godine.

Direkcije BNP Zenica i Festivala bh. drame će, posredstvom svoje Službe za odnose s javnošću, distribuirati tekst ovog Konkursa/Natječaja što većem broju štampanih, elektronskih i online medija u Bosni i Hercegovini i zemljama okruženja, kao i pozorišnim kućama, umjetničkim organizacijama i odgovarajućim visokoškolskim institucijama sa kojima saraduje, sve sa ciljem njegove promocije i dostupnosti široj javnosti.